

Fenschtergüesler:

Nie wider !

Mir Dütsche hend gar viil Gedenktäg im Kalender – und manchi vu üs meined, es seied zu viil. Doch wie au immer, um da Ereignis, da sich jetzt i dene Frühlingswochen zum 60. mol jährt, chömmed mir eifach nit umme: Da Kriegsende vu 1945, dä sogenannte Zemmebruch vu dere zwölfjöhrige Naziherrschaft. Us dem Anlass chönned mir momentan allobendlich im Fernseher massehaft die Schwarz-Weiβ-Bilder mit ihrene Schwarz-Weiβ-Parolen us de Zit zwüsched 1933 und 1945 betrachte – und beguetachte. E ganzi Reihe vu dene Filmdokumente hend mir zwar i de letschte Jahr irgend wenn scho mol gsäh, meng anderi sind aber ganz früsch us bisher veschlossene Archiv dezuechoo. Si zeiged üs hüt in gsicherter Freiheit läbende Zitgenosse, wie sällmol i de Driißgerjohr e handvoll vobrecherischer Politiker mit me immer größer gworrene Kreis vu Helfershelfern e absurdi, menscheverachtendi Idiologie brutal in d Wirklichkeit umgesetzt hät. Und wenn die gspenschtig bruu Szenerie und ihri Barbarei vor üsene Auge ablaufft und mir im Film siehned, wie schlimm gege jedi Sitte und Moral gmordet, massewiis exekutiert – und Krieg gführt worre isch, hend mir es hinnenooch schwer, mit all dem fertig z wörre. Mir höred üse innere Ufschrei: Es langed, nie wider Krieg, nie wider derartiges Unrecht in Begeischerung für so ne voruckti Ideologie! Mir hend i de letschte 6 Jahrzehnt weiß Gott us dere schlimme Vergangeheit glernt und debii nit vergesse, wie üse am Bode glägenes, geknechtetes und gedemüetigtes Volk trotz schlimmem Leid fascht wundersam schnell us de totale Niederlage zu Freiheit und Wohlstand ufgstiige isch. Und mir dörfed gueten Muetes sii, dass hüt die absolut Mehrheit vu üs Dütsche gege die immer no vorhandenen bruune Bazillen immun isch. Au wenn immer mol wider paar hundert kahlgschorni Dumpfbagge sich trommlend in Ufmärschen als sogenannti Neofaschisten nationalsozialistisch vosueched, bliibed mir im Hinblick uf üsi stabil landeswite Gfühlschlag gelassen uf em Teppich und lönd üs nit irremache. En Rückfall in so ne Barbarei isch eifach nümme denkbar, mir ganz anderscht erzogene Zitgenosse wäred für so öbbis nümme z haa. – Dogege isch aber die Froog ganz anderscht glagered, wie mir Zitgenosse hüt mit üsere ältere Generation umgönd, die sällmol alles erläbt, erlitte und mitgmacht hät. Sited mir do in diesbezügliche Gespräch oder Diskussionen nit öfters über die domolig Generation z Gricht und verurteilt si gar als Mittäter und Mitläufer? Debii vergessed mir Noochgeborenen völlig, wie schlecht und einsitig informiert d Bürger domols gsi sind und wie schwer es sällmol war, sich als einzelne Mensch gege da diktatorische Unrechtregime zur Wehr z setze. Sällmol hät es nämli no kei mediali Öffentlichkeit wie hüt geh, dä bürgerrechtliche Anker vu de Öffentlichkeit und au dä vu de Rechtsstaatlichkeit hät domols gfählt und es isch e gföhrliche Illusion vu üs hüt z meine, dass sich d Mensche domols vu unne her hetted wehre – und da Regime stürze chönne. Säll wär allenfalls vu obe her gange, wa jo bekanntlich au mehrfach vosuecht worre – und fählschlage isch. Drum sötted mir als diejenigen, die üs in dene heikle Froge gärn uf die „Gnade der späten Geburt“ beruefed, noochträglich nit als Moralisten ufspiile. Die schlimme Ereignisse sötted üs viilmehr e Läbenslehre sii – und mir müend üs dodrum halt au immer und immer wider mit ihne befasse. Nur so ne Art vu gschichtlicher Ufarbeitung schärft üse menschlich Wüsse und Gwüsse und cha so in üs au de Muet zum Guete mindestens sowit fördere, dass Unrecht, Gwalt, Krieg, Verfolgung, Vernichtung und Antisemitismus in üsem Staat künftig eifach kei Chance me überchunnt. Allerdings sötted mir dodebii ufpassse, dass üsi quotensüchtig Unterhaltungsindustrie die schrecklichen Nazi-Ereignisse jetzt nit au no hinne nooch als Film- und Fernsehunterhaltung vomarkted. Da wär schlimm und die Gfohr zeigt üs, dass mir näbed ere verantwortungs- und gfühlvolle Vergangeheitsbewältigung halt au in üsere ufgregte und unterhaltungssüchtige Gegewart stets au en chüehle Chopf bewahre müend. Doo isch chüehl tatsächli cool und genau die Eigeschaft isch im Hinblick uf d Lösung vu üsene Zuekunftsaufgaben guet und nötig für üsi Republik. (h.r.)

@ = www.fenschterguegler.de